



友竹山房詩草卷五

古今體九十七首

送從叔意堂回南



閩南蘇履吉九齋



富貴固所願故鄉安可違古人重此事比若書錦衣阿

叔昔遠來為我侍重幃勞勞萬里行朝夕相依憶昔

共乳日憶昔同學時叔與吉同庚生未十月失恃與吉同乳六歲同入學讀書親愛

逾骨肉遠大各自期如何薄宦游偏累久別離所嗟惟

陟岵今昔同含悲轉瞬歷八載叔於丙子侍吉祖母南來越今八載回首

欲言歸非為衣食謀何必長奔馳而况孟光賢荆布樂

齊眉繞膝有阿弟可免啼寒饑歸去成高隱耕釣自忘

機勝我滯宦場長爲風塵羈惜別傾樽酒攜手嘆分歧
何時歸田間重話翰水湄

贈淑芳

清河家世舊知名十歲聯姻記送庚帖寫金牛年閏五
月初九日子時生

底事人來謗語侵焚香只合拜觀音世間多少癡兒女

那個娘前口似瘡

淑芳在母家間有婦女往來不肯與人會戲余曰他日當之言笑故有是謗余未冠客田陽友

作觀音焚香奉事也

青春十八賦催妝爲愛嬌羞字淑芳最喜山房名種桂
夜來新噴一枝香

窗下書聲聽有無繡帷相與勵工夫何當負笈從師去

又獻深閨夜織圖

淑芳以織圖贈余謂讀書如織布不可間斷

三年家計累支持勤儉曾看處室宜不爲貧寒怨夫婿
却教休作屢屢炊

薄宦相隨萬里遊憐卿多病復多愁年來甘苦同消受
爭比梅花瘦似不

花開珠樹喜成三從此枝頭不再含無奈秋風吹折一
傷心春色望天南

禮佛燒香早晚皆每逢朔望便持齋可知私祝無他語
但願齊眉百歲諧

檄委署貴德司馬感懷

時白洮州回崇信本任

甫一月有餘

小憩纔逾一月餘旋教策馬啟征車馳驅敢說綏邊塞
撫理深慙博上譽宦蹟終年徒歷碌官階何日是真除
高堂尚喜春秋健浪得虛名慰報書時將遣人回南

七月初十日遣家人馬忠回南

爲報平安遣汝回長途跋涉去仍來聞山楚水看行色
雪路風帆試壯才遠宦更增離思結高堂倍覺笑顏開
春暉萬里遙相望計到家時始放梅計期十月可以到家

會寧道中口占

行路難行路難七十二道脚不乾春水泛漫秋水發行
人遇此心膽寒君不見峽水之流窄且急孤舟激浪何
湍湍又不見蜀道之高百千級攀緣直上入雲端登山
涉水固不測康莊馳騁詎卽安請看前車覆轍處但防
險阻忘坦寬吁嗟乎人生到處行路難何止七十二道
脚不乾

謁大憲極蒙獎譽志愧

古人作吏重愛民今人作吏先患貧愛民患貧不兩立
聚斂何如有盜臣官取諸民民取土此中應識民艱苦
半絲半粒悉脂膏視此豈容爲過取我聞國計關民生

民能一心成堅城知是太平親民吏曷不慎守貽令名

中秋翫月

秋色平分夜風光似去年人方嘆離別月又照團圓
思三更夢征途萬里鞭那堪遊子念回首望南天

十六日夜玩月仍用前韻

千里同明月回思又一年去年是日由洮州晉省相看今夜望是月

十六猶似昨宵圓冷艷飄金粟清輝耀玉鞭佳人知我
憶端屬桂花天

重陽節貴德署中口占

登高令節紀重陽邊地寒飛九月霜分手自憐萸佩紫

一時其泰弟回南正在道中滿頭誰插菊花黃詩慳客有催租至官冷

人無送酒嘗顧我遠遊慙負米天涯萬里倍思量

歲杪赴敦煌任志感

漫云一歲是三遷歷碌奔馳又盡年羈跡宦途如履險

關心民事在安邊累多愈覺長程苦親老還期晚景妍

此去春風玉門外西征十載著吟鞭余乙亥來甘越明歲甲申計十載矣

癸未除夕次沙河

挈家除夕次沙河歲月催遷感擲梭八口敢云妻子累

廿人爭奈僕童多官貧衣食知難減路遠輪蹄覺易磨

送舊迎新分此夜春暉萬里望融和

同馬參戎遊鳴沙山月牙泉歌

敦煌城南山鳴沙中有天泉古渥洼後人好古渾不識
但從形似名月牙或爲語音偶相類聽隨世俗訛傳訛

按渥月皆入聲洼牙皆麻韻或後世因其形似遂訛爲月牙

我稽志乘分兩處古碑

何地重摩挲參戎馬公偏好道葺修古廟山之阿約日
驅車同訪勝一泓清漪月鈎斜堆沙四面風捲起人來
坐墜寂無譁忽聞沙裡殷殷響聲似漁陽鼓摻搥人道
神靈不可測英物未許人搜羅漢武當年產天馬萬里
沙場戰馬多何如今日成陳迹沙不揚塵水不波渥洼
渥洼是與否我還作我鳴沙山下月牙歌

袁千之

英

索余詩草見有我愛蓮花好全韻詩三

十首因畫蓮花圖並繫古詩一首贈余卽和其

韻寄謝

誰羨丹青手汾陽袁千之貽我蓮花圖花開碧參差憶
昨建康郡相見慰平時索我詩草看逢人說項斯彼此
性情同新交卽故知我觀古人畫能畫少能詩如君有
兼才光怪復陸離我家在閩南君家在河西爲我愛蓮
人卅首寄相思大寫三尺紙枝葉高如旗妙手奪化工
揮灑想臨池君畫若作書意到筆自隨吐屬本工雅更
繫古詩詞思君未得見對此神倍馳始信花爲壁珍重

是君貽何時碧簫飲得以療渴饑再過酒泉來君應不我遺

次袁千之題友竹山房詩草二首

詩教關世教匪徒摠素抱所以古人言詩書該至道唐
宋與元明論世分工巧矧有淹博人堆琢誇麗藻豈知
詩如仙到處卽瑤島我愧無別才入夢非春草時自抒
性靈安敢問淵浩君本自能詩先貴陳言掃一氣常卷
舒戛戛心獨造恐君爲我評同心故言好

詩愧無秘詮孝友凜性天余懷時欲白廼以詩爲宣不
見魚有墨噴沫自成烟不見蠶有絲吐屬自纏綿雕蟲

原小技對此或類然更有同心吟半爲情意聯讀者知
有感詠之豈無端譬如藝黍稷高下因其田關雎興窈
窕國風冠首篇錦瑟托朱絃誰得疵義山顧我憐香詠
胡爲自刪焉余詩多香奩體剛出別爲一集名憐香雜
詠然稿中尚多此類亦不能割愛之意
迂拘不可學邪識經與權愚賤不可爲自好用與專我
苟慕大雅此詩安足傳十載俗吏行已悔髭毛斑回首
望庭幃但解吟詠懽

武威會元魯誠孝廉來主鳴沙講席攜袁千之畫

松見而愛之口占寄呈千之并索畫

畫松仍是畫蓮人天矯雲龍更逼真我愛大夫與君子

一堂併作四時春

送章之王生憲歸里應試選拔

拔萃科開十二年敢云衣鉢此相傳懷君萬里初投筆
似我三秋始着鞭薄宦風塵慙跋涉高才雲路看聯翩
應知出色青爲勝不在區區博選錢

懷三弟中齋時適遣人回南書篋頭寄歸

一官今十載深愧仕爲貧所賴吾弟賢家居勵苦辛重
幃娛菽水定省歷昏晨功名固天命富貴薄依人如今
三十餘始得列成均努力肯堂構學問重敦倫莫以老
兄悞而再涉風塵何時萬里游報答慰三春願弟承色

笑長以奉慈親鴻雁自南來爲我寄書頻

遣曾福回南用去秋遣馬忠回南原韻

十年纔遣汝南回薄宦隨余望去來閱歷應知嘗苦况
紀綱漫說屬麤才事因忠信欣深託書報平安喜屢開
歸看高堂增色笑好將消息付寒梅

三弟中齋端陽節前至蘭書來志喜

得信還期刻日臨用舊作句十年珍重弟兄心慈暉好望三

春報薄宦何堪萬里尋邊寒星霜勞遠涉故鄉風雨憶
離吟榻來姜被容同卧聽說家居入夢深

次瓜州口接王生章之來書知登拔萃志喜

佳音報我喜成名始信文章有定評
五試冠軍推獨步一經選雋兆先聲
麤官自愧三年望高第相期萬里程
衣鉢真傳誰見許知君筆下本縱橫

次雙井子步壁間袁蠡莊出關原韻

一彎殘月映征鞍破曉前驅露未乾
匹馬東瞻紅日起孤鴻西指白雲看
深情幾見歌三疊離緒渾忘語數端
莫向英雄說兒女教人回首望長安

王生章之來書知已啟程前來計期出月初旬可到復次前韻

征途僕僕爲功名知遇茲欣副昔評
驥展他時看捷足

鶯遷此日賦同聲重來已報三秋信
遠適何堪一月程好待蟾光圓半壁
談心共指斗牛橫

和家弟九達鴻猷寄贈原韻二首

移孝會聞可作忠麤官如我竟何功
鬢絲已染寒霜白衣絲猶翻愛日紅
詩到窮愁知易好刃逢盤錯愧難工
天涯遊子無他志恐負循聲達

帝聰

家居自是弟兄親君奮南濱我宦秦
十載風塵花樣舊

三秋雲路羽毛新

余以壬申選拔今秋又值試期吾弟可望入選

披吟雅句傾

心久聽報佳音洗耳頻爲囑木雞年又屆

前乙酉科家梅村公登鄉

薦余查弟星造應聯翩翰苑列詞臣
以明歲乙酉報捷

懷同邑棣圃連豫莊經李圖南維鯤連芝田士荃賴

實田慶茂諸兄弟

棣圃論交日怡然五弟昆豫莊年我若賦性獨雅醇圖

南本宦族純粹玉比温芝田名下士矯矯更不羣實田

最年少意氣欲凌雲顧我鈍且拙胡堪齒諸君所貴道

義交匪特重能文憶昔同射策藻彩何續紛偶爾刊眾

作知遇誌一門世人好臧否一第輒較論功名固天定

垂老尚云云我非薄前輩識者探其源吉與豫莊五人

已督學葉鈞潭夫子科試俱列上等吉喜知遇出於一

門因刊棣圃試卷以木齋係姻戚不與棣圃故不敢列

庚午木齋登鄉薦鄉先輩有不應棣惟茲弟兄好終始

圖少君名之句頗涉成敗英雄之論古誼敦十年嘆離別音問時相聞虎觀推首選鸚薦復

冠軍多文富可羨詩禮訓尤殷人生當自適知足殊欣

欣吉來廿十年聞豫莊近已首膺歲薦圖南載復冠軍

芝田援例貢成均且年來富足深得稽古之力實田

尤嚴庭訓令嗣少我獨慙遊宦萬里歷征轅家弟故鄉

年英雋有乃父風來朝夕絮語繁為言各近况回首望田園何時三徑裡

重傾酒滿樽鴻雁送南歸為我致慇懃莫以俗吏行而

作秦越分春來盼棣萼枝葉日益蕃臭味休差池長願

滄芳芬

贈振啟叔

蘭蕙生幽谷無言能自芳松柏產培塿大厦作棟梁人
當爭樹立卿相亦尋常吾家傳經史世業著縹緗伊昔
濟唐公宿學老彌強壯遊歷秦楚歸隱自韜光功名不
繫念甘苦身備嘗大年躋耄耄後嗣嘆弗昌叔以從姪
親承祧慰所望庭訓嚴詩禮髫齡凜義方十三纔舞勺
師範式綺陽老成祛幼志迥異弟子行叔年少老成十
三歲設帳綺陽
弟于年皆相
若悉意訓誨握別今十載人事遠故鄉後生固可畏同
學半就荒頃聞宗族間惟叔志激昂詩才追七步文史
富巾箱鵬程九萬里奮翮安可量堪笑世俗人務外喜
齋皇飾觀重儀表誰復問枯腸科名與學業勢若分參

商我愛讀書者富貴先相忘譬如肯堂構我惟固垣牆
勿以好華靡而徒侈鋪張又如勤種樹我惟重稻梁勿
以襲花藻而致少積藏古人敦學殖蘊奧發竒香請看
豐城劍萬丈起光芒莫謂識者希有美久必彰

和袁千之題贈索畫雙松圖原韻並謝近賜山水

花卉字畫十六幅

人生束縛似蠶叢安得挺拔如蒼松蒼松冬夏翠陰濃
不比春花門曉紅我欲於此求真意何處點染奪天工
展圖劇愛尺幅中爲我寫配玉芙蓉前畫蓮花圖見恍
贈因復索是畫
登泰岱最高峯仰視雙幹若神龍首尾深藏不得見遮

莫畫法神與通我聞秦封五株松又聞丁夢十八公何
如生面勞吾子不羨千紅與萬紫墨瀟淋漓揮灑間居
然晚節後彫美韋偃畫松杜老題君今一手能兼是昔
日送我詩與蓮朝夕相對心怡然今復一堂成壯觀不
獨兩松樹使我日坐忘塵緣

大風

大風颺起沙飛揚天上白日爲昏黃城中沙塵入戶牖
須臾几案堆如霜人面咫尺不可辨視若鬼域漸茫茫
始知人世有奇變霎時明滅成滄桑三日兩日不得息
風聲瑟瑟人淒涼夜半月影忽東上恍如白晝日重光
不識大風歸何處天公還我雲漢章嗚呼人心變幻不
可測因風吹火時詩張安得天公長鑒此不使肆口聲
如簧

送淑芳歸里七律疊韻六首并序

征夫思婦從來多曠怨之情才子佳人自昔重
倡隨之義是以安豐室內猶見親憐世遠房中
曾聞愛玩固閨幃之韻事實倫道之造端然而
疥痔何妨糟糠不厭牛衣對泣未必傾城鴻案
相莊詎真絕世則陋孔明之擇轉嗤許允之嫌
又或白首難偕紅顏易謝當鑪賣酒感念暮年

落葉添薪傷懷曩日卽重羅敷之好更增奉倩
之悲至於溝水西東浮雲南北秦嘉遠去頗械
徐淑之書蘇蕙獨居但寄寶滔之錦誰無結髮
莫縮同心偶有齊眉翻虞反目何期蕩子獲配
芳卿薄宦相隨漫說從夫之貴重幃潤別不忘
思母之懷屬長女之及笄會季男之將冠正宜
婚嫁爰賦旋歸萬里長途言之何忍一生多病
行矣良難夜雨綢繆詠錦衾於獨日秋風蕭瑟
嗟團扇以何年因綴離吟用賡疊韻我惟自愛
卿解相思此時堂上萱花情實殷於拜母他日

陌頭柳色悔莫起夫封侯倘令重來仍唱合歡
之曲願圖偕老再歌歸去之篇

不忍相離竟令歸此心難別總依依深閨廿載同甘苦
薄宦十年共渴饑生子却因婚嫁累憐卿那許笑言違
他時侍養春暉永好看齊眉祝耄稀
當年作客喜余歸無限離懷故故依路遠但言勞跋涉
家貧不說苦寒饑一官如繫情何惹萬里相隨願未違
莫向浮雲怨夫婿金閨人到玉關稀

卿忽言歸我未歸不知何日遂瞻依幾時臨別心如碎
此際當餐腹忘饑萱室三春歡侍養蘭階兩地悵睽違

孤鴻莫道西征慣，那個英雄淚獨稀。

重幃午歲賦南歸，夢轂猶如膝下依。最喜弟兄同舞綵，那愁兒女尚啼饑。我承慈訓宜常凜，卿式賢聲戒莫違。回見高堂增色笑，天涯休遣寄書稀。

萬里歡攜子婦歸，獨憐游宦向誰依。此行卿已增勞頓，于役人應更念饑。萍水去來原不定，藕絲牽繫暫相違。多情好似天邊月，若得常圓恨亦稀。

淵明五斗賦來歸，爲米何曾得所依。邊塞無花紫客夢，衡門有水樂吾饑。懸知別後情應重，爭奈當前意若違。我唱陽關送鄉里，忍教春月賞心稀。

和外送歸里疊韻六首原韻

張滋淑芳

君未能歸妾忍歸，幽懷好共話因依。敢云兒女來時累，莫忘夫妻去日饑。夢裡思量還意合，行間言語與心違。玉門關外寒威重，爭奈春風到此稀。

慈懷寄語盼兒歸，十載閨思夢寐依。養女休嗟道旁棄，隨夫不怨室中饑。西來宦轍年頻徙，南望鄉關日久違。爲說平安憑遠報，長途猶恐信音稀。

侍養姑嫜合告歸，重幃攜妾昔相依。輿迎萬里開顏笑，旆返三秋望眼饑。菽水承歡知有訓，蘋蘩主饋稟

無違耄齡行祝家王母又看萱堂介古稀

兒時未識賦于歸只道深閨母是依一自催妝癡若
夢幾番離別愁如饑畫眉猶爲顏容惜分手何堪色
笑違讀罷新詩含泪和淚痕多覺墨痕稀

來不偕行又自歸兒曹但向妾身依還思遠宦相隨
願應憶中宵對泣饑欲別私懷重指誓臨歧密約更
防違那知無限談心處話到離情語轉稀

天南征雁趁秋歸雙燕猶看舊壘依自解多情憐妾
病誰將秀色療君饑行期畏卜心難別離緒酣吟語
暫違夫壻浮雲望邊塞春回不忍問花稀

三弟中齋來署甫數月旋卽南歸淑芳母子與之

偕行殊增睠念仍疊前韻贈別四首

十載離家日望歸荆花有樹弟兄依壯遊喜見年方富
貧病欣逢歲不饑雁磧沙場邊塞迴人情風土故鄉違
男兒何必封侯願得作山中宰相稀

剛來數月又懷歸回首高堂萬里依此日伊人歌宛在
當年季女詠斯饑風塵閱歷情如繪雲路聯翩志詎違
好去南溟奮鵬鷲冲天誰道羽毛稀

秋往春來幾度歸雁行憐我客中依長途日月勞征邁
遠地星霜忍饑饉萱草北堂重葉茂棟華南圃數年違

登高遙望逢佳節應念茱萸遍插稀

到家妻子遠遊歸宦况難忘故舊依可有駒文慰吾望
能無鷹隼附人饑填箧但願同聲叶詩禮休教往訓違
三徑他時看晚景莫將松菊種來稀

淑芳擬欲南歸情不忍舍詩以慰之

歸去重看大母憐一家團聚尚依然養親課子卿宜任
西望應教慰所天

三春報答望慈暉何獨憐卿別我歸信有思兒情更切
十年常覺夢魂飛

薄宦當年萬里尋那堪今日賦歸心可知兒女能爲累

從此相思詠錦衾

與卿卅載爲夫婦未有三年嘆別離此去若從借老願
歸來還是半生期

臘月八日安西城外送別二首

臨歧但道免思量臉上先看淚兩行知是語言難盡訴
囑郎無奈自懷郎

十載相隨一旦分回頭萬里望春雲最難今日還離別
除是他年始見君

自題小照

薄宦天涯今十載顏容漸覺舊時改風塵勞擾可憐身

手把芸編自追悔兒時好讀望成名幾度寒窗對短檠
如今案牘紛拏裡空負詩書過半生無端爲我畫窮狀
依然作個書生樣面目莫言更可憎雪霜已染髻毛上
回首高堂日倚闥不知兒狀近何如一官爭奈身如繫
猶愧當年讀父書妻孥偏道形容是歸見慈顏增色喜
七十老萊尚舞衣持將此幅付鄉里漫云阿堵是傳神
應憶尋梅種桂人此後平安萬里報一枝長放隴頭春
余前歲有同鄉陳一峯過蘭爲圖小照頗得形似而筆
畫甚粗不足觀內子淑芳獨謂恰肖因題以持歸昔年
有尋梅種桂兩圖係余與淑芳分繪雙幅淑芳前歲因
畫弗肖故置之近仍以舊照存余座右并言再畫寄來
清明日懷眷屬南旋行次長安道上

清明無客不思家矧是歸途萬里賒官况十年同滯跡
行程三月尚登車長安麗日懷依柳邊塞浮雲賦及瓜
時余已卸
敦煌縣事 竚看杏花消息裡春暉遙映紫蘭芽家婦有
娠時在
道上已屆分
媿殊深盼望

家童喜養山雞余令放出旋卽飛去尋之不獲偶
占以示之

偶令山雞放出籠高飛不假羽毛豐須知野性終難養
莫逐潛踪匪易窮振翼他時看舞鏡回頭此日悟驚弓
可教前去依桑下我愧中牟化未同

青厓王生憲近見余詩隨卽和韻饒有青藍之勝

因用前韻歌以美之王生原字章之別號青厓

姓字何時好共籠輸君如玉屬年豐青厓前和店壁詩章有姓字他年好

共籠之句囊羞薄宦詩為富句喜高才韻不窮師弟無猜居

丈席男兒有志看弧弓秋來雲路聯翩去漫說科名此

日同余癸酉拔貢青厓近以乙酉拔貢

武威孝廉曾元魯誠甲申延王鳴沙講席與余執

弟子禮甚恭余無以教且愧不敢然余望元魯

之善教諸生與諸生之能遵教化者又區區之

心所不能已也因用前韻歌以贈之並勗諸生

桃李新陰曉色籠鳴沙此日仰南豐瓣香君看從游敬

丈席余慙議論窮竚望為文皆入彀須教中的本操弓

諸生莫負栽培力珠玉漫言采不同

即事

言歸無計再淹留女嫁男婚事到頭頓使兩人人兩處

又逢三月月三週淑芳以客鵬初三日啟程行程漸看

風帆便計三月望間可抵羈客猶懷雪路修我向南天

增遠望重幃團聚近新秋

留別敦煌父老士民

古來為宦者患在不自知新官初至日舊官將去時誰

興來暮歌誰泐去思碑古人如可作此語非我欺憶我

來茲土剛是一年期我民無犯法法在有等差我民有
待澤澤及無或遺二者皆吾勉未必無偏私嘉哉我士
民古風尚可追士習畧淳樸民俗近恬熙輿情視所感
責在官所爲顧我一書生十載莅邊陲循聲非敢望終
歲累奔馳春風度玉關夏雨車相隨秋霜及冬日威愛
宜並施誰謂一年中不足言撫綏所愧親民官官與民
相離未聞爲父母不自愛其兒未聞爲赤子不以母是
依但願吾父老持此告庭幃人生重孝弟百行爲首推
從此施于政家國無異宜士民聽我語治人先自治耕
讀安本分舉動循矩規所戒在多事好訟逞虛詞勿以

身試法私冀長官慈新官父母來我去從此辭匪徒爲
爾言吾亦凜在茲

淑芳途次聞家岳母周太孺人仙逝不勝悲痛寄
唁

母女睽違忽十年肝腸有病似相連那堪危恙初除日
便屬慈顏永訣天淑芳客春染病至四月初旬始愈七
月得四弟來書岳母亦於三月嘔血
茲聞凶耗竟於去詠雪終悲道旁棄前和歸里詩有養
年四月四日溘逝浮雲更爲客中憐休言坦腹東牀下秦水恩深總
罔然

讀白香山詩和微之聽妻彈別鶴操有感卽用其

韻兼呈王青厓

義重莫若妻香山釋其理我讀香山詩不禁思鄉里商
陵苦妻出別鶴嘆無子微之聽妻彈別鶴聲入耳香山
亦無兒有妻還自喜所以古達人夫妻重綱紀顧我賦
瑟琴如鼓羨和美有操不解彈有子差足恃翻因婚嫁
累亦偕中夜起勞勞萬里行此行非得已妻歸侍姑嫜
重幃奉甘旨我尚滯邊陲家貧戀祿仕偕老百年期半
生從茲始請看房中曲非與別鶴比青厓年甫壯相念
亦如此此去正新貴莫感東西水願以古人賢始終相
勉矣青厓與尊聞甚相得近以未有子息請先納寵余嘉其賢而勉青厓之未可也

日來作詩索會元魯和句迄未見覆仍詩以促之
索和詩章似索逋高齋連日累工夫不知前去巴人句
得奉瓊瑤報我無

少年何至斷吟髭想見揮毫落紙時遮莫南豐嫌我拙
不教坡老再來詩

元魯因余寄詩索和前作比於索逋隨即寄來和
韻二首以前人因催租而詩中止今以索逋而
詩始成爲此屬政於余口占解嘲

索逋何幸勝催租兩首羸他七字珠好寄雲箋快揮寫
免教門外再追呼

次王青厓沙州竹枝詞原韻八首

邊氓鳩聚少閒遊終歲耕田望有秋不道敦煌原古郡

行人慣說是沙州敦煌居民惟耕田為事邑名敦煌而武營仍名沙州故往來行人多說沙

州查城南皆沙山

改邑當年設色新分田授土繪魚鱗太平中外真如一

都是遷來內地民邑原為沙州衛遷內地五十六州縣之民來此屯田分為二千四百戶每

地一分給

冬澆春種喜安苗無雨全憑積雪消立夏十渠量水日

一分爭道歲豐饒邑分十渠引党河之水澆地自冬至春澆水謂之安苗立夏日始分排水

每百一分即望豐收

西望三危聳入雲沙山遙接勢平分風來高下隨舒卷

半似春潮漾水紋邑西二十里許為三危山迤南接連沙山有千佛洞諸勝每大風過後沙

山積如水紋

清泉一勺月為牙四面堆沙映日斜為問渥注何處是

龍媒除此別無家邑南五里許有月牙泉舊傳即渥注泉四面沙堆不能侵入水中而志書

仍分兩處無可考

生計挖金孰與籌轆轤三轉亦難求春來開廠秋來閉

無復餘錢上酒樓南山金廠盛時金夫獲利多醉酒樓近來挖金須用轆轤三轉到底始有

金砂較前良難

前途沙漠達新疆萬里征夫是我郎婦女相隨甘受苦

不貪翠羽與明珠邑居民近已殷繁地無加增間有挈家赴新疆者請給路票標其由赴於某處受苦殊堪憫惻

民俗無端逞氣雄爭論半是醉顏紅比如一夜狂飈起莫道終年少好風邑居民頗淳樸惟飲酒後多滋事端亦如此地大風陡然而起靜息後仍屬清

春日卸敦煌事稍務吟詠每作一篇即錄呈青厓

相許可青厓留余詩箋即代錄稿內欲作他日見書如面之意偶占一律誌愧

月夕風晨共寢興此中生計總相仍酣吟人是思家客卸事官如退院僧十載簿書成俗吏三春詩句付良朋

他時珥筆趨芸閣可對雲箋憶我曾

家大母壬午三月初十日由靈臺南旋近已三載

昨四弟家報云老年康健眠食如常口占志喜

重慈歸去日轉眼又三年人望雲伊邇家看月正圓春暉欣竊健夏屋喜鶯遷四弟客冬十一月初四日奉家大母母親移居壁園山莊善慶堂九秩今開六還期百歲綿

母親別來今十年矣履吉天涯遊子時深馳慕昨

四弟家報云起居壯健步履不事支杖殊堪私幸仍用前韻志感

膝下深南望睽違已十年綵看今日舞鏡憶昔時圓

謝世近已
萬里晨昏隔三春歲月遷稀齡遲五載瓜瓞
慶綿綿

三月初十日王蘊山邀曾元魯王青厓並余重遊

月牙泉餞送青厓赴試仍用前韻口占紀勝

勝地靈泉闢來遊甫一年跡尋前展印形看半規圓邀
女情同契懷人事已遷者番重到此與致更纏綿

遊月牙泉歸途漫詠

舊日詩章在相看壁上留

是日留客歲遊月牙泉詩板於壁壁上舊有前令黔南朱

小梧同年

一痕鴻印爪十里馬回頭沙際波紋動池邊

月影浮嵐光迷曲徑渠水滿平疇綠樹濃於染青苗嫩

欲抽歸途饒景色覓句紀重遊

次王青厓重遊月牙泉紀勝四首原韻

勝地欣逢春再至閒情喜伴客重遊銀河此日看垂影

鐵背

池中有鐵背魚

何時誤墜鈎萬里好乘天上馬一番相聚

水中鷗雲泥爭奈當前判君訂行期我滯留

一十年來遠遊客八千里外未歸人初莖月上圓猶早

半榻雲生到已頻綠樹濃陰宜九夏紅花潑艷憶三春

陽關柳色青垂岸不似桃源嘆隔津

水如天際星源瀉山是沙坳月影垂到底難將千尺計

圓時好作一輪窺渥洼自昔傳斯地類壁於今類此池

無事龍媒誇異種騎驢今亦解吟詩壁上亦有文人題詩意可見關外

半畝靈池推第一織鈎新月看初三併來此地泉爲勝
重到吾儕酒正酣水有源頭同活潑圖無太極自渾涵
吟成欲作詩中畫留取他時好共探

乙酉三春送王青崖赴青門會考並勉秋闈捷步
人生相逢如萍水隨風聚散無定止又如桃李逐春風
一年一度看花紅我向春風歌一曲送人萬里春山綠
不須三疊唱陽關同是征人奈局促君今騁步馳康莊
長安道上日騰驤三月杏花八月桂馬上攀折一枝香

我憶武陽初相識與君投契勝膠漆愛才如命矢平生
懷君獨具生花筆客歲科逢拔萃開櫻楠杞梓皆英才
君試冠軍經五戰爭看奪取錦標來八載追隨期奮勉
會須讀破書萬卷丈夫志氣薄雲霄不獨青錢博入選
顧我麤官愧着鞭出山自悔辭清泉一入風塵羈驥足
回頭同輩盡神仙君不見拔茅連茹以其彙讀書莫急
求富貴又不見松柏之材作棟梁十年生計莫倉皇

暇日偶懷

爲官難得暇暇日當何如有客宜請酒按白香山詩請韻漢書賈誼作平聲正韻集

傳皆讀平聲

無人且看書閒吟情自適靜坐體常舒矧

大石山房詩草 卷五
值春光好游心契太初

青厓赴青門會考行有日矣余作長歌以送之茲

青厓復用余日前重遊月牙泉歸途漫詠原韻

作留別詩三首韻穩而句工不勝欽佩勉依來

作再和無復言詩聊以誌異日相逢而毋忘此

際之相與有成也則幸甚

八年歡共聚此際去難留夜雪陪關外春風送陌頭李

桃晴日麗楊柳曉烟浮別路青依岸歸途綠滿疇搏鵬

宜翮奮策馬快鞭抽好赴嫦娥約蟾宮久許遊青厓肄業蘭山

書院制藝久為山長張玉溪秦曉峯所推許早決秋闈必售無何辛巳壬午兩科因病不與故遲留至今

君步青雲去我猶紫塞留無人談麈尾有客夢刀頭驥

欲乘風展鳧方逐水浮臣心依

北闕農事問西疇勿敢誇餘試簪還望早抽南天春景

好何日賦歸遊

巴吟時索和雅句愛同留脫稿來燈下生花出筆頭雲

呈箋色燦月映墨光浮離思懷芳草閑情到翠疇日前同青

厓遊月牙泉歸途閑田晴景色因作前詩枝看丹桂折芽望紫蘭抽紫蘭抽句意已

見前異日相逢處毋忘昔共遊

次會元魯送王青厓歸赴長安秋試七律二首原

韻

已分窮途累此身十年遊宦總依人君皆阿鳳看聯步
我似轅駒悔夙因離緒何時重話舊吟箋連日競裁新
休言倡和今成例詩到情來更出塵

新詩佳句羨如璣與會淋漓信筆揮

原唱有送春時節
送人歸最為篇中

警賦別將分三友袂披吟迴異百家衣霓裳他日容同
詠雲路今朝任遠飛我嘆春來與春去不堪重疊送人

歸

客騰送舍弟旋南
今又送青厓歸里

勸王青厓少飲酒

君非善飲者一飲無不醉醉後輒悲啼眼中先墜淚雖
然出至誠其如嘆弗類

青厓性至孝自幼讀書深費乃
祖心力故每醉後輒思乃祖生

時鍾愛不勝悲泣余以雖出至
誠然君子哭泣有時似可不必又或醉如泥昏昏便欲

睡事雖大如天醉亦忘所記非酒能醉君君先為酒累
我性不能飲不識酒中味勸君欲飲時飲以少為貴勸
君將醉時醉當先自避莫以醉後人供人作酒戲矧君
非酒徒曷不高位置

頓沛亭

潤

武陽諸生來敦煌數載以舌耕為業近

獲續配聞新人先自擇婿謂世間無餓死讀書

人即注意於生生亦意愜遂締良緣余以農家

婦女能道出此語即為我輩揚眉吐氣當焚香

祝之又何必如花似玉始向閨房中拜生菩薩

哉詩以賀之

世無餓死讀書人此語誰能道得真羨爾如花能擇婿
笑他照鏡只工顰眉看重畫情彌愜心到相知意更親
記取明年璋弄後傳家依舊是儒珍

余書前詩笺面贈生生得詩益喜請書橫幅意將
懸之房中作此時之佳話也因廻前韻歌以勉
之

新詩合作袖中珍壁上重看分外親語妙應稱如意婢
情深不羨捧心顰君邀青眼垂憐喜我信紅顏賞識真
從此鳴雞更相勉世無餓死讀書人

偶成二首

夏日怯炎熱秋風愛晚涼天時與人事曷不細參嘗
夏日頻揮扇秋涼欲授衣人心與天意何事故相違
古意二首

郎似芙蓉花妾是花中子難得花常開願抱花心死
郎似桃李核妾是核中仁若教離核去無事再逢春

遠行

頻年忘作客此日感行人相望陽關外遙臨漢水濱歸
途猶認舊勝事正逢新計眷屬三月望後至樊城四月
中旬安陸府與三男完婚即可
順道回首重幃裡秋來笑語親
回里

曉起

曉起渾無事庭前一鶴閒
雨來楊柳翠水灑蘚苔斑
獨立頻懷想高吟自往還
春風相送後詩興未全刪
時王歸里朝夕無與談詩

友竹山房詩草卷六

古今體一百八首

閩南蕪履吉九齋

偶題

余刻送淑芳歸里詩時敦煌有趙木匠能刻行書頗不失真其婦能作墨搨近又刻敦煌留別諸詩其搨本仍出婦手乞余書素箋題以賜之

句愛香山老嫗知矧由織手搨新詩
狂吟自爲分離賦文采偏叅刻鏤宜
此日留痕看鴻爪當年索解到蛾眉
憐他工作愚夫婦也識歌章重唱隨

懷淑芳行次楚北爲三男完昏用前韻

何時書報遠人知，獨坐重翻去日詩。
藻思猶來閨閣夢，桃夭讒咏室家宜。
風帆望我懷分手，雪案憐卿憶畫眉。
但願高堂春晝永，浮雲萬里再相隨。

五月初九日懷淑芳生辰用甲戌都中誕日舊作原韻

別後今過百五辰，又逢生日憶情親。
幾時重祝剛卿健，此際相思詎我嗔。
綺閣應看詠難老，布裙猶願守清貧。
懸知客路停舟處，舞綵雙雙慰遠人。

次三弟中齋書便面和客歲來署志喜之作續書詩後

歸途勝事喜重臨，萬里相思共一心。
遙卜熊羆初入夢，又看鸞鳳近攀尋。
中齋護眷南旋途中長婦分娩棣華
三男完昏一路滯留不勝馳繫何日聯新咏，桂榻當年憶舊吟。
料想抵家團聚樂，秋來西望更情深。

五月初九日夜喜雨

一夜淋漓雨庭階，滴瀝聞自天施霖。
霖匝地見續紛足，慰三農望應添四野欣。
爲霖勝金玉，先卜稼如雲。

晚霽

終年多不雨，一雨便成秋。
暑氣隨風退，清光映日浮。
鴉翻烟外樹，燕集水邊樓。
霽色看來晚，狂吟筆底收。

讀杜詩

新詩改罷自長吟杜老當年苦用心須信性靈陶冶後
度人應合比金鍼

五月十六日家慈誕辰時年六十有五

未許斑衣舞膝前慈幃遙祝十三年履吉自癸酉至今

未及膝庚午歲五旬時履吉奉五旬猶憶家居累母命與兄弟分居弱弟幼

前叩祝家慈親六秩剛逢宦跡遷庚辰歲六秩時履吉由正寧

自課督借眷屬寓金城萱草此時重茂日棣華何處各方天時

未獲製屏稱慶弟護眷屬南定知白髮門間倚萬里同看月正圓旋正在道上

慰侯健菴勝武悼亡健菴與尊聞伉儷甚篤近以

悼亡而增悲戚適余內子亦賦南旋死別生離

情有同感觸緒縈懷聊復成詠雖異日歸圖偕

老視健菴此時手攜稚子月冷空房有間然一

生多病又安知別後之如何也意欲以自解者

而藉以解健菴勿過神傷耳

生離死別總同情矧賦齊眉共遠征萬里不辭隨宦到

一官猶愛挈家行憐香我尚留新塚埋玉君應念舊盟

此際相思了無異只爭泉路與雲程

六月初一日接省信知眷屬三月內已抵樊城覓

舟至安陸府

萬里行程近半年安車甫卸又登船遙知一路風帆順
快觀三秋月色圓

計安陸府五月啓程至家當在秋間顧我征衫猶驥伏

懷人歸袂恰鶯遷

家居近移壁圖山莊女兒生日今朝是無復依

依繞膝前

長女壽楣以六月一日生近二十一歲擬今冬出閣

次袁蠡莊題布隆吉壁間原韻志感

飛鳥曾聞葉令仙柰余奔走嘆經年情當急處誰知已
事到難時自聽天儘賴消愁屬詩卷那堪羞澁爲囊錢
此行安敢忘初念悔却窮途一仔肩

又次壁間原韻懷七夕節

來時猶喜賦偕行此日偏教一鶴輕料得今宵過佳節

雙星遙望數歸程

題蘓州委員曹頡雲賦府筵頭卽送南旋二首

萍水相逢勝弟兄花前剪燭話平生高懷如對三秋月

薄宦殊慙萬里程竊喜年華皆紀亥更看兒輩亦同庚

頡雲與余同巳亥生而子女三人亦復同庚酒泉何幸金蘭訂記取他時契

洽情

天南回首望家鄉同是征人客路長此日談心到邊塞
他時分手感殊方暮雲春樹連江滑越水聞山共梓桑
愧我玉門關外吏不堪重唱送歸章

題劉條甫金聲司馬舊寫倚松聽流圖小照

出山泉似在山泉一片清流到耳邊此日相逢猶恨晚
教人追憶十年前

平生結伴愛青松省識當年不改容我亦披圖一回首
羨公清雅舊行蹤

題條甫司馬近寫公餘課子圖小照

曩時詩禮記趨庭此日公餘看執經要識傳家無別物
一編曾念老人聽

桐陰樹下長孫枝矧值椿萱介甲時是歲乙酉 條甫

慶諸同寅製屏 尊人適值周甲雙稱祝更爲色喜記取平安憑竹報課兒猶喜手親披

次張虛舟從乎明府自題悼亡詩後原韻十二首

好花無奈惜空枝兒女情關未是疑我讀君詩同浩歎
只爭死別與生離

誰憶凌波繡洛神知君傷感更情真音容何處堪追想
長作相思夢裡人

春風那復問芳梅此日埋香到夜臺記取當年明月下
一枝消息幾回開

獨對孤燈夜不眠深情豈復倩人憐齊眉鴻案從頭憶
無限淒其意緒綿

郝鍾閨範信無差萋謝何堪比落花苦向窻前思底事
難忘纖手自煎茶

劇羨裙釵是布荆卅年相對兩心傾何當此際先分手
未許尊鱸共作羹

三星久許映金罍不作交君感白頭伉儷百年柰增重
獨懷窈窕咏河洲

萬里相隨路正漫秋風幾度對燈殘那知今日傷心處
一別芳容屬蓋棺

誓將地老與天荒不肯相離似雁行爭奈嫦娥奔月早
隣君誰復念淒涼

忍擁寒衾到五更幾番惆悵曉風清從今無復雞鳴勗
親愛誰當更喚卿

新詩好向夢寬通我亦離吟寄遠鴻最是鍾情在五輩
不堪回首話閨中

生死殊途總繫天別離况是隔雲烟吟君五桂廳前句
益信同心本夙緣

重九日司馬劉條甫招同刺史王藻亭

世焯李春

生清傑福靄堂珠靈阿登五泉山小飲紀勝二
首卽用登高二字爲韻

勝筵高會舊時曾

前歲壬午司馬邀遊五泉山瑤源閣小飲

此日招遊喜再

登樓閣四圍秋色繞河山千里暮烟凝談心劇愛清幽
處放眼須來最上層有美堂前誰是客肯教蘓子雜良

朋

萸囊菊琰結同袍自是劉郎逸興高醇釀今朝醉桑落

名山此地接蘭皋

五泉山東接連皋蘭山

雲間峯影開晴雪林際

泉聲聽晚濤佳節異鄉能不負聊隨花飲試揮毫

送那制軍繹堂太老夫子次平鈞驛口占

感恩何必受恩深爲有絃歌荷賞音盛德宜人春滿袖
溫詞慰我淚沾襟
帝心指日趨

朝賡喜起蒼生還望濟時霖

秋日道上懷淑芳仍疊送歸里原韻一首

憶昨春風送遠歸相看楊柳正依依黃花此日憐卿瘦
紅豆何時慰我饑快觀三山秋色迴休將萬里德音違
同心爭比雙飛雁露濕蘆汀獨宿稀

深閨何日報卿歸睡裏猶教入夢依借老百年終慰願
相思兩地轉愁饑枕函檢草新吟續驛路尋花舊事違
我向山房懷種桂鍾情應識似儂稀

近閱聶蓉峯

銑敏

太史詩話嘗隨園詩話淫詞太

多不可爲訓然集中載入壽山與神仙偕和諸
作亦屬誕妄不經非可傳世余未敢是非其間
詩以紀之

關雎首列國風篇鄭衛猶借雅頌傳得句何妨話兒女
論詩不必借神仙性靈陶瀉宜歸正興趣酣吟最忌偏
誰是此中推巨眼藝林無復蠹殘編

宿平鈞驛旅館同王藻亭刺史保厚齋筆政夜話

厚齋談論史事質疑於藻亭大有博洽之雅卽

用送繹堂制府原韻口占奉贈

旅館聯床入夜深談論仍許契知音睡餘猶覺寒衾枕
坐久渾忘冷帶襟三日別來當刮目十年勝讀恰同心
艱難自古多佳士版築終看用作霖

藻亭論及孟子天降大任章故云

十一月六日山丹道中懷淑芳時長女壽楣擬以

是日出閣

一陽六日是婚期轉眼還看嫁女時廿八年來渾似夢
淑芳以戊午十一月六日歸余越今二十八載九千里外倍相思敢誇冰玉同
輝映竚望泥金捷報知

塔陳點今科應省試未知中否顧我憐香懷往事深閨猶喜畫雙眉

出嘉峪關

纔入關來又出關長年轍迹嘆如環宦途自覺奔馳苦
世路誰能進退閒積雪四圍侵帶冷望雲萬里舞衣斑
春風塞上欣重度好向高堂博笑顏

臘月初三日詠懷

淑芳去年是日回南用前山

丹道上原韻

去年今日是歸期猶記含情破曉時得意春風宜再度
同心夜雨總相思歲除遠別嗟何忍淑芳臨別時謂余曰爾何忍心天寒
歲暮使關外重來悵未知料想初完婚嫁願客歲因兒我回去
嫁始遣淑芳歸去又應鴻案望齊眉
計刻下已畢所願

題敦燉內署為去來堂詩以誌之仍用前韻

一官今是五年期用朱夫子句見福建永春州誌再至無忘昔去時但
覺乘除增我累敢誇恩惠繫人思情分冷暖當前見事
到平陂過後知好向深閨看世路效顰誰不如蛾眉

清明日用舊作原韻詠懷

清明無客不思家離別經年望眼賒金谷園開三月景

余於署後新闢花園一區移植花木數本

玉門關隔五雲車路旁人折新垂

柳梁上余懷舊獻瓜

北齊蘇瓊為清河太守郡人得新瓜來獻苦請乃致之廳事梁上

萬里春暉欣晝永好看蘭砌又抽芽

余闢敦煌署後花園一畦得種花人是惜花人句

對未工因作起語漫成一律並誌所感

種花人是惜花人歷祿西陲十載春沙漠寒深培植早

山房幽處品題真

余別有憐香雜詠語多綺麗故未登集中

重來澤已更番

渥久別香猶入夢親此日河陽開滿縣金闈可憶玉關

頻余前歲送淑芳歸里詩有金闈人頻到玉關稀之句極為知音者稱賞

送遜邨葉三回里用坡公送表弟程六原韻

君家祖父聯頻壁世累千金匪儋石我以五斗犇風塵
十載鳧蘄葉令烏憶昔與君年少時曾向重幃索棗栗
君爲似續我外孫掌上雙珠皆珍惜謝庭玉樹盼森森
柰我散材若樗櫟同來萬里歷邊疆一官百事勝蝟集
賴君朝夕共與襄不作封侯歎投筆高堂倚間長我望
負米未能但捧檄君今璧水紹家聲又賦曰歸行有日
重來芳訊春爲期莫教懷想廢眠食

勸駕詞八首

有序

王次回疑雨集有勸駕詞十一首皆以等卿來

作結語意奇艷非親歷者不能道出隻字內子
淑芳與余伉儷情篤近三十年矣隨余宦遊十
載前歲南旋光陰朏息又近三年余復調任沙
州回憶前歲同來署內景况歷歷如繪不勝馳
戀因做次回之作得詩八首他日之來不來未
可知書以寄歸聊以將吾意耳

十年花事喜相陪爭比河陽到處開此日春風玉關外
小園新築等卿來

幾時冰署理妝臺猶記堂前笑語俚別後那知人再至
天香深處等卿來

朦朧睡曉夢初回無限嬌聲細語催每爲惜花貪起早
繡幃春曉等卿來

雲鬟梳罷攏金釵逐日簪花少忌猜不向傾城誇國色
畫眉相對等卿來

秋蓮小瓣退紅鞋幾度踏青印綠苔珍重一雙持贈後
花前竚立等卿來

誰憐玉骨瘦如柴一襲寒衣別後裁長短只依前日樣
稱身裝束等卿來

桃根未許比芳梅制錦終需內助才莫道衝寒顏色老
隴頭春信等卿來

別離三載總縈懷女嫁男婚事正該竊喜高堂春晝永
台歡度曲等卿來

蕪園新詠

小築園亭合字蕪敢云吾亦見真吾春風到處培桃李
得比河陽滿縣無

十年生計莫嫌賒前度劉郎又代瓜不負初心憑造物
肯教重理舊時花

送李嵐山遐齡都閩屯防葉爾羌

天涯何幸契相知同是征人萬里馳玉塞好教親閱歷
金閨爭奈暫分離他時握手傾尊易此日談心得句遲

珍重臨歧無別語，勉加餐飯慰懷思。

寄贈垂安叔貢入成均

明經自昔重家傳，矧喜成名更少年。處世莫教饒我後，
居身當使出人前。才無驕吝方爲美德，有親鄰始見賢。
此日園橋初騁步，蜚聲萬里看承先。

寄呈梅園三從叔祖

履吉宦甘十載客秋制軍

釋堂夫子入都瞻念

履吉

以不獲升一職爲憾

履吉

作送行詩有感恩何必受恩深句，因思內

顧無憂，皆家三叔祖多方照拂，不啻受恩之深。
適遣人回南，仍用前韻，勉成一律書箴呈政以

誌所懷

感恩何幸受恩深，十載馳驅寄好音。不獨春風到關塞，
還同霽月仰懷襟。解推終是仁人事，望報原非長者心。
造物因材培植厚，無私時雨卽甘霖。

餞別遜邨葉表弟旋南於沙州署後樵園

相看明日是行期，今夜歡筵賦別離。不道遣懷還讓酒，
那堪排悶強裁詩。故交如我情殊薄，遠適何人意轉癡。
遙憶到家秋色好，菊花應見滿東籬。

遣毛升回南迎接家眷仍用前韻

又報平安遣遠回，春風轉眼送人來。十年慚作邊陲吏，

三載憐違內助才去日樽傾蒲酒熟到時家喜菊花開
高堂如遂深閨意行信先傳嶺上梅計到家迎接家眷
來時當在十月
送謝莘璋同鄉歸南

人生非麋鹿安得長聚首我憶古人言此事由自取矧
君正年少胡爲喜奔走利鎖與名韁匪無忘素守堂上
望倚閭室內懷分手顧我涉風塵十載離鄉久萬里送
人歸攀折嘆衰柳請看世上人富貴天所有曷若樂天
倫家居敦孝友君今賦歸去長途戒縱酒臨行索贈詩
爲君喜開口雞豚幸逮存悔覓封侯否

次武都黃刺史嘯邨文炳稟報麥穗雙歧自題州

署紀瑞原韻

宦途爭奈共羈縻邊塞風塵十載遲愧我未培花一縣
欣君已報麥雙歧豐年人望饑堪免惠政民懷樂不支
可是漁陽張太守武都應泐去時思嘯村權符武都
三載近將卸篆

立秋日同侯健菴韻浦亭登黃整城晚眺

乘涼晚眺上城東萬里煙雲一望中匝地平鋪秋水白
連天迴映夕陽紅舉頭雉堞迷荒草極目鴻毛遇順風
最是玉關饒景色竭來清興與君同

七月八日祖母壽辰越十三日爲吉生日詩以誌
之

年年七夕綵衣翻待曉重幃祝壽皆知憶生孫在何日
三朝記取是中元

祖母壽年八十有七履吉春秋亦四十有八再歌

以記之

九旬稱祝再三年
葵宿長輝燦綺筵
我屈服官還二載
何時歸拜畫堂前

敦煌署內藏拙居雜詠八首

我愛居藏拙門通曲徑幽
公餘時退步多半此勾留
我愛居藏拙牆高不礙風
有時來滿座恰是一春中
我愛居藏拙窓明未許窺
好教三五夜月影透書帷

我愛居藏拙庭空任去來
何須常檢束履跡自悲哀
我愛居藏拙詩成好白吟
推敲還不定何敢問知音
我愛居藏拙書先鑿壁安
閒來無一事取向枕邊看
我愛居藏拙花香入座清
若教能解語不必對傾城
我愛居藏拙燈光映座隅
獨行如對影自問愧曾無
季秋五日喜四弟和齋至
用舊作原韻

又趁春風萬里程
五年握別憶從兄和齋從余宦游壬午送程母南旋越

載今五心先愧我忠兼孝
事肯饒人利與名
同住奈添妻

子累重來更見弟
昆情高堂近喜平安報雁序
三秋正

叶鳴

四弟至署得淑芳來書知客秋抵家旋即抱病延
至今春步履尚未自然志感

多病如卿劇可憐到家爭奈復顛連懷思萬里情彌重
淑芳來書云萬里之遙內難前來步履三春力未堅弱
伏乞保重善理政事勿以內為念質那堪霜雪後芳容應護雨風前休將紅豆遙相寄除
是當歸藥始痊

用前韻懷淑芳曾否重來之作

曩時白首誓相憐昔年出門示淑芳此日何堪一病連
詎服薇苓能體健須知鐵石比心堅歡諧鴛夢來關外
愁鎖蛾眉憶鏡前遙計征人芳訊到黃花坐對喜新痊

新築藏拙山房落成題壁用舊作退思山房原韻

敢道鶯遷出谷時好藏鳩拙有誰嗤巢居舊壘知何似
園徑新開慰所思前歲甲申署任即擬署後為愛閒情
堪寄託得符初念是量移今春奉調敦煌始得漸次修理他年再覓棲
身處擬向高梧借一枝

題淑芳書後

家書不厭幾回看珍重征鴻遠寄難最是相思無限事
憐卿毫素強言歡

自題採菊小照用舊題種桂山房畫圖原韻

一樣尋梅採菊人余早歲有尋梅小照容顏可比少時春
葭花重

蔭長年健桐葉濃陰奕世新箕踞自忘真面目浪游誰
說老精神山房種桂遙相望內子淑芳舊有種桂小照好作秋林晚
照親

寄贈王青厓四首 青厓由拔萃 朝考優等外

用籤發中州喜而有懷即用青厓客冬送余重

莅沙州原韻

一宦輸君十載遲敢云差長是吾師余以癸酉拔萃令

青厓年甫二十仕途須慎初登日我輩休忘未遇時此

際烹鮮看試刃當年薦福問遺碑從來見獵心先喜猶

檢瀕行舊贈詩

金城分手拂征鞍又是重來舊宰官客冬青厓會考後

州送至金城關而別凡事當思知已少此心惟恐對人難交情干

古推鮑管鮑平聲按集韻讀爲包楚有申鮑胥通作包政績三邊仰范韓顧

我自慙關外吏懷君爭柰首回看

八載追隨愧育才鳴沙猶憶兩番來青厓從余來沙前歲赴科試後再至

沙州一簾霽月襟懷爽千頃汪波器宇恢田卜陸莊今可

獲花看潘縣昔親栽春風再度陽關外又喜君書得意

回青厓外用後來書擬請假回籍重來沙州旋以籤發豫省順道前往不獲再晤殊深馳望

從今萬里隔雲程兩地相思屬友情邊塞撫綏慚故轍

中州報最望循聲民逢卓茂真如子家本安豐總愛卿

青壯年將及壯艱於子嗣尊闈請先納寵余嘉其賢引而勉青厓未可近作書報青厓明春當爲措資送去知是承歡春晝永絃歌好看一琴橫

武都刺史黃嘯村夏間以麥秀雙歧詩寄余屬和

近又寄示穀垂十穎詩復和其韻

雙歧十穎事翻新專美何須讓古人比戶可封徵富歲

飛章入 告冠全秦近見制軍奏報階州收嘉禾九穗

同垂陌善政三年自足民我喜雪花含六出余沙州今冬連得大

雪可預兆豐年邊城大有冀書頻

憶菊 閣紅樓夢適與四弟談家况偶有所感卽

用憶菊原韻

幾度西風話所思東籬猶記乍開時芳姿老圃憑幽賞

晚節清香契素知十載曾懷培植早三秋莫怨盼歸遲

淵明尙自留彭澤寄語黃花會有期

題獻牡丹壽字畫圖爲家祖母壽慶

富貴從來得壽難好教花裏許并看天香夜染萊衣燦

國色朝酣栢酒歡福衍箕疇懷畫荻榮分謝砌喜培蘭

春暉畫錦遙相映算朶頻添慰倚欄

題友人送海屋添籌圖爲家慈暨丙子五月誕辰

令妻壽母紀詩篇燕喜頻歌燦綺筵海屋籌添蒲酒綠

霓裳曲奏綵衣鮮風清邊塞春方永日麗重幃算正綿

文竹山房詩草 卷六

省識長官孫子願躋堂介祝望年年

同四弟夜話偶誦亡男壽椒夜行句云黑夜歸來

路已迷余謂詩者言志是見此語即可驗其不

永矣詩以吊之

何處歸來晚偏嗟失路迷此言良不偶所志亦堪詆秉
燭饒清興吟詩擬好題中宵聞爾語使我轉愁悽

懷淑芳

懷卿歸去日又是兩年期多病憐衰態深情寄遠詩承
歡娛晝永握別感時移可許重來看春風萬里馳

次玉青厓寄贈原韻四首

十年游宦歷邊陲回首雲山嘆遠離敢道鴻毛欣際遇
好看驥足快奔馳袴應歌五來何暮鳥可飛雙去亦思
寄語親民勤撫字循聲竚望答清時

送君北上我西行握別猶教入夢驚八載追隨師弟誼
三秋結想友朋情題詩喜見紅箋寄對鏡羞看白髮生
惆悵關山千里隔何時仍共話分明

無端別緒任紛紛宦海奔波屬望殷自愧升沉憑險易

共期清慎與精勤閨中我尙懷春月塞外君應感暮雲

青厓贈所歡有我在
隴頭卿居塞外之語最是鍾情兒女事不堪聚首又相

分

邊疆百載紀昇平小醜跳梁又遠征人喜從軍膺甲冑
我慚作宰龔簪纓馳驅世路懷長阪歷祿年華過半生
王事賢勞還自愛敢辭萬里玉關行

奉和王幼海厚慶太守赴台州任出都留別四首

原韻時奉調來肅辦理軍務

小醜跳梁易蕩平運籌帷幄仰風清高堂自喜三春報
邊塞旋教萬里行領郡南邦濱大海立功西土到長城
重慈我亦增遙望關外馳驅敢計程

庭前落葉正辭柯忽促西征喚奈何報國勲名馳絕域
餞公朋輩盡魏科去思猶憶滇民頌來暮還聞越叟歌

令德宜人

天寵渥春風到處感恩多

盤讀吟箋不厭頻高華典雅更清新句蒙題冊欽前輩
詩遇知音若故人

王事賢勞看著績天倫孝友見持身公餘猶自時酬詠
政治文章足化民

居衷正直信如繩矧復水淵凜戰兢宦久渾忘身是客
定深安見性非僧從戎人去知何若揆策公來嘆未嘗

公以軍旅之事未學深自謙遜雅度謙冲真可挹泰山土壤詎能增

題沙聚園誌感

昔年曾在此停車一別芳容兩載餘關外浮雲隨去住
不知春色近何如

和王幼海太守題友竹山房詩册二首原韻

山房何處是偏愛此君多得句題應徧虛心好豈阿渭
川千畝在沙磧兩番過余來敦煌已兩次矣翹首邊城外
天威看止戈

此日蕪園裏閒情又種花余於敦邑署後開園一區移

題楹帖云我愛種花兼種菜誰嗤居室似居家蜂衙看午集鼉鼓聽晨搗作吏

來關外吟詩到水涯邑五里許有月牙泉之勝余偕同人題詠甚夥平安憑屢

報筠管喜紛拏

和齋四弟來敦半載近將歸里順道入都遵例報

捐贊府喜而有懷併以贈別用坡公初別子由

詩原韻

我來萬里遠玉塞懷風清所愛惟吾弟賦質自聰明鬢
齡同失怙冀無忝所生墳籠相倡和式好叶歌賡人生
各有志振翮看鵬程顧我歷游宦翻改如棋枰不材等
樗散惟恐私意萌何幸榮棣萼暢茂比田荆世人乖手
足其豆還相烹妻子逾骨肉愚魯望公卿豈知弟兄誼
詩美春令鳴西陲勞征役日聽車馬聲弟來剛半載朝
夕共參評功名及時奮計日趨都城有子視阿叔頭角

遜崢嶸策名效並駕轉為薄植驚四弟擬為長男報捐府領前程方
遠大細小非所爭譬如履坦坦問道莫向盲重幃日倚
望所喜在成名會看良相志家學勉求精先大人精岐黃著有良齋集要醫書數種四弟能紹先業并囑歸去再加學習

哭亡女壽榆

嗟爾甫三齡聰明信無比能語呼爹爹時索甘與旨萬
里遠遊人繞膝差足喜胡為病偶侵十日遂不起憶昔
白樂天曾哭金鬢子彼自嗟無兒翻言有女累我今近
艾年爾始能步履遙計出閣時我年已衰靡所賴有弟
兄爾為妹與姊同是父所遺誰不一體視那堪弟始生
爾已隨逝水彭殤如可齊自古誰無死爾何太恩恩使
我哭難已

清明後五日和齋四弟臨行口占送別

離家今已十三年每送人歸倍黯然萬里那堪分雁序
一官剛喜報鶯遷春暉遠布重幃永夏屋初成奕世綿
家構壁圖山莊近已落成轉盼秋高風信早荆花好並桂花鮮

奉檄署安西州事誌感

土事賢勞祇自嗤用紫陽朱子舊題重來仍是一年期

甲申來署教邑甫及一載旋即卸篆撫懷猶愧稱強幹
客歲奉旨調補是缺近又一載為政何從泐去思荒徼軍行需整飭
現荷大憲署考精明強幹殊增愧

邊疆宦况費支持但求循職能無過好作微臣報答時

慰諭敦煌士民廻前韻

莫看來時看去時當官常恐失矜持

題署內二堂額曰去來堂并楹帖云

前事原為後事師請看去時局面舊官即是新官樣敢誇來日威儀

一年未慰斯民願兩

度還慚故我思最慮澆田遲麥種

此地三月始得種麥向例立夏一日分水

不許展限近復出示諭禁

會修講舍近瓜期

邑有廢墮均已修舉惟鳴沙書院未告竣忽屆

卸此行漫道今司牧

士事賢勞祇自嗤

臨行補題藏拙山房詩四首

我愛居藏拙為官是苦人風塵勞擾甚聊以養精神

我愛居藏拙棲身甫一年萍踪原不定敢道是鶯遷

我愛居藏拙園亭合種花移來桃李樹纔喜長新芽

我愛居藏拙山房取次修此番題補後何日再來游

臣等謹將

